#### Contributors

Salomon, Ernst Diedrich, 1746-1790. Linné, Carl von, 1707-1778. Uppsala universitet.

#### **Publication/Creation**

Upsaliae : Apud Joh. Edman, Regiae Acad. Typogr, 1775.

#### **Persistent URL**

https://wellcomecollection.org/works/xy23b766


#### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.


You can copy, modify, distribute and perform the work, even for commercial purposes, without asking permission.





Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org




# 48136 B









# SPECIMEN INAUGURALE DE SCORBUTO,

E. (13)(18): 9

Quod, Venia Experient. Ordinis Medicor. In Reg. Acad. Upfalienfi, SUB MODERAMINE Illustrissini Viri

# D:NI DOCT. CAROLI à LINNÉ,

S. R. M. ARCHIATR. EQ. AUK. DE STELLA POL. MED. ET BOTAN. PROF. R. O. ACAD. PARIS. PETROPOL. IMPERAL C. HOLM. UPS. LOND. ANGL. FLOR. BEROL. MONSP. TOLOS. BERN. EDINE. ROTER. NIDROS. CELL. PHILADELPH. ZELAND. MEMBRI. ET FACULT. EDINE, ASS.

> Pro summis in Medicina bonoribus rite capessendis Publico examini submitit


ERNESTUS D. SALOMON,

Ad Cohortem Prætoriam Pedestrem Chirurgus primarius. D.22 Novembr. MDCCLXXV,

Horis ante & post meridiem consuctis.

UPSALIÆ,

Apud Jon. Edman, Regiæ Acad. Typogr.



§. I.

orborum vix ullus tot hominum clades edidit, tantumque inter Medentes dissensum introduxit, quam qui Scorbuti nomine jam ubique notus est. Dirum enim hoc malum totas sæpe regiones, urbes, exercitus, naves, miserandum in modum adflixit, Medentumque sæpius, haud aliter ac ipsa pestis, elu-sit curam. Hippocrati a) vel Eideos dipatitns, vel pasfim b) Lien magnus (σπλην μεγας) dictus fuit, quemadmodum se eruisse putant Scriptores Medici. Nec Plinio ignotus fuit, quatenus castrensem morbum, exercitum Romanum Casaris Germanici admodum male habuisse docet, qui souanann vel onerotueBn Medicis dicitur c). Strabonem & ceteros Medicos, qui Hippocratem auctorem presso pede secuti sunt, ut reticeam. Quamquam ve o ex relictis descriptionibus Scorbuti symptomata quædam generalia, quæ antiquitatis suspicionem dederunt, depromi possint: ob insufficientes tamen notas, easque aliis morbis plurimis communes, novum hunc morbum & ante Secul. XVI vix auditum pronunciare non dubitarunt scriptores neoterici, Forestus, Citesius; novissime Freindius & Sauvages. Verifimile videtur Scorbutum ab antiquisimis temporibus, æque ac nunc, humano generi fuisse infestum: sed cum in regionibus calidis mitior fit, & nostra vivendi ratio a proavorum maxime discrepet, atque ars navigandi ad summum, quo nunc est, fastigium provesta non fuerit, d) gravio-A 2 га

a) Lib. de Int. Affect. Edit. Fœfii p. 557.
b) Porrheticor. Lib. 2. p. III. Lib. de affect. p. 521. Lib. de Aëre, Aquis & Locis p. 282. & passim.
c) Hiftor. Natur. Lib. 25. Cap. 1. edit. Dalecampii.
d) In nave Cl. Vasco de Gama, qui A:0 1497 omnium primus

ra hujus morbi Symptomata medentibus forte fele non obtulerunt. Huc accedit Medicina prifcorum, in incunabulis quafi, cum infirmitate fua luctans, ad adcuratas Morborum delcriptiones, nostro ævo profuturas, minime apta. Id vero indubium est, quod nomen Scorbuti jam usitatum, a Belgis mutuo sit sumtum, apud quos Schaarbock, Jeborbuyk, Jeborbeck vel tormina ventris, vel malum denotare putatur, quod præcipue os torquet, adeoque cum Plinii stomacace apprime convenire videatur.

\$3 ) 4 (

S

## § II.

Quemadmodum regiones variæ fuis præcipue infeftantur morbis, in aliis aut levioribus aut plane ignotis: ita Scorbutum fub frigidiore Iove, proprium domicilium habere, vulgo creditur. Opinioni forte anfam dedit Scorbuticorum in Terris Septentrionalibus fubinde obfervata multitudo, vel morbi, accedente frigore, infigniter aucha vehementia. Scorbutum vero non Endemiom effe demonstrant Observatorum scripta. Etenim fi frigus ad Scorbutum excitandum maxime conferret, incolæ regionum, quæ Polis propiores funt, morbo quoque gravius laborarent, quam qui Zonam temperatam inhabitant. Sic enim Lappones, Islandi, Grœnlandi, Kamtschadalenfes, Patagones & incolæ Terræ Ignis horrenda

viam ad Indiam orientalem circa Promontorium Bonæ Spei detexit & inftituit, Scorbutus quoque maritimus primo innotuit, isque adeo malignus, ut ex nautis 160, centum perirent. Nec fine commiferatione legi poteft relatio itineris *Iames Carrier* ad Newfounlaud & Canadam Ato 1535 inftituti, ubi Scorbutum ut Peftilentialem morbum graphice depinxit; Malum hoc iis antea inauditum 25 homines iugulavit, reliqui omnes graviter laborantes, Divinam unfericordiam implorarunt & tandem, fortuito cafu, a foliis herbæ cujusdam fanati fuerunt. Videfis plura apud Lind Treatife on Scurvy.

renda mali cruciamina vix evitare poffent, caque tanto graviora, quo cœlum inclementius apud eos est. Navigatorum vero experientia edocemur, Scorbutum sub Zona torrida æque communem esse, dum moderata aëris temperie, pluviis, tranquillo mari & ventorum inopia premuntur. Sic nautas in expeditione claffica Illustr. Anfon, prope terram Mexicanam fatalis Scorbutus præcivitavit; e) & in Hungaria, Italia, Saxonia, interdum sævissime & epidemice grassatur, dum frigus aut nullus est, aut certe moderatus f). Hinc Cramerus opinionem eorum damnat, qui terras ad Septentrionem fitas, huic malo maxime elle opportunas existimant, si quidem vix durante hieme, sed imprimis vernali & autumni tempore, Scorbutum fævire observavit g). Negari quidem non potest, rigidiorem hyemem Scorbuto correptis, vel semina quasi mali occultantibus omnino esle perniciosam, eique ingravescendi ansam subministrare : sed Scorbutum tamen apud Britannos, Batavos, Svecos Danos, Norvegos, ceteros boreales, Endemium este morbum Bar. baavio b) minime concedimus. Et fi locis jam nominatis sporadice & forsitan frequentior, quam sub calidiori climate, invenitur, id nec unice frigori, sed tempestatum indoli variabili & vivendi hominum rationi, feu diætæ, potius eft tribuendum. In genere vero notandum, tam in nostris regionibus, quam aliis, malo huic maxime opportunos esfe eos, qui vitam sedentariam agunt, vel qui laboribus non occupantur sudori ciendo adcommodatis, ut Eruditi, artifices nonnulli, Textores, Sartores, Milites & Nautæ incuriofi; nec iis parcit, qui a labra rubenA: fuum colorem febribus

器)5(器

- e) Vovage round the World. Part. 3. C. 2.
- f) Backstrom observ. circa Scorbutum. In Collect. Differt. Med. Holle". Tom. 6. 2011 . Sola signa De lo A sibilita is ( a
- g) Differtio Epistolica de Scorbuto. b) Aphorismi de Cognosc. & curand. morb. §. 1150-

febribus quibuscunque & præsertim intermittentibus laborarunt. Tabaci fumatores, & imprimis eos, quos antea Scorbutus male habuit, haud raro incurrit, ut ex observationibus Crameri, Anson, Rouppiii) constat. Contagio quidem non magis ad alios transit Scorbutus, quam reliqui morbi epidemici; interim a tetro odore, quem spargunt mileri afflicti, & aëre halitu eorum inquinato maxime vexantur ii, quorum inter ægrotos continuè verfari dira cogit necessitas; & quamquam a corrupto aëre Scorbuti symptomata non contrahunt sani ac vegeti, humores tamen eorum ad putredinem ita disponie omnis aer mephiticus, ut ad plurima alia mala, febres præsertim putridas fiant procliviores. Scorbutum nihilominus læpius epidemice graflantem observarunt Medici; k) & in expeditionibus clafficis epidemice femper fere noxam inferre folet.

影)6( 器

## 

Ad morbum hunc vere Prothei-formem dignoscendum requiritur, ut Symptomata, quibus sepissime stipari solet, eo ordine recenseamus, quo invadere ca homines utplurimum observatum est: ad signa dein confirmati mali, vel ad summum gradum provecti, transeamus, Sed inter initia notandum, non omnia signa apud omnes semper adesse, sed infigniter, pro diversa subjecti vel causarum ratione variare 1).

I:m. Stadium: Adgrediens autem Scorbutus hominem pigrum ieu ad motum iegnem & pufillanimum reddit; æger iomnum quærens, labores & fanorum confortium fludio vitat. Facies ei pallida eft vel fubflava, carunculæ oculorum nec non oris labra rubrum iuum colorem in viridefcen-

tem

i) Liber de Morbis navigantium,

k) Brebandiæ A:0 1556, Belgiæ 1562, Hungariæ 1720, Parisiis 1699 Saxoniæ, in obsidione, a Svecis instituta, urbis Thorn. &c.

1) Non piget heic Illustr. Ansonii testimonium adferre. Scorbuti

tem transmutant. His vero tantum abest, ut facies emarcescat, ut potius tumidula & præsertim palpebræ inferiores, post somnum, matutino tempore, observentur. Admodum difficile spiritum trahit. Mox genua rigent, ad minimum motum debilia; & ne quid ei molesti defir, gingivarum tumor, sensim increscens, manducationem impedit. Increscente paululum morbo, dentes elevantur & vacillant; & tumefactæ jam gingivæ, spongiarum instar increscunt, lividum colorem induunt, cruentantur; putrescunt, simulque cum anima tetrum odorem fpirant. Hæc communia in Scorbuti initio funt; fi vero febre aut alio morbo laboravit æger, in gingivis prima mali indicia apparent; sic etiam, si a casu externo, vulnus, fracturam vel contusionem perpessus est, infirmum primo membrum corripitur. Postea cutis, quæ semper ficca & lævigata sentitur, maculis conspurcatur mox rubris, dein lividis vel tandem nigricantibus, in suras & feminia maxime conspicuis & ad variam magnitudinem increscentibus. Haud raro etiam his locis cuticula in squamas abit & discedit. Sed jam recensitis longe difficilior est dolor, qui semper Scorbutum comitari solet, & modo Dorsum, modo Tibias, vel etiam Pectoris aliquam partem cum anhelatione & tuffi torquet: fixus interdum, vagus sæpenumero, nunc ostocopum, nunc Pleuritidem notham m), Rhevmatismum, Ischiadem, vel alium morbum topicum mentitur. Æger adhuc lotium reddit coloratum, spumosum & cito putrescens, cui pingvis pellicula & coloribus variegata supernatat. Sangvi s

fymptomata (inquit) inconftantia pariter ac innumerabilia fere funt; progressus vero & effectus summe anomali; etenim vix duo ægri de iisdem malis querelam habuerunt & si qua symptomatum conformitas interdum observata suerit, mali invadendi modus & ordo inter omnes Scorbuticos in totum discreparunt. m.) Lind, p. 153. Sangvis e vena miss, glutinosus & spissus videtur. Si cita alvus superaccedat, id quod descendit, putridi odoris esse solet. Ingravescente morbo jam graviora pleraque sunt symptomata, ut in præcipiti rem esse sciences. Etenim ad levissimum corporis motum in Syncopem delabuntur miseri, &, quod haud raro accidit, dum e lectulis surgentes, libero aëri se exponunt, subita morte animam reddunt n.

畿) 8 ( 畿

H dum Stadium. Sed iis, quibus tragicam scenam ad finem perducere sors est, jugiter accidit, ut dolores ubique vagantes juncturis genuum præcipue figantur; genicula tumeant, ex Musculis flexoribus ita clausis, ut tali versus nates retrahantur. Quorundam crura infigniter quoque tumeelcunt & ecchymosi maculantur, vel naturæ quasi proprio conamine, putridam ejiciendo sentinam, fædis ulceribus conspurcantur. Interdum etiam mitum in modum crura Scorbuticorum, manente figura & doloris sensu, lignorum instar obdurescunt o) Fracta osla & Vulneta ante 50 annos fanata iterum dissolvuntur & recrudescunt, pariter ac fi novo casu essent institut dentes & gingivæ putrescentes gangrænam admittunt; superaccedit crebrior spartibus cruor facile sertur, ut e naribus vel exæssi gingivis; fæpe cum tussi exit, vel evomitur vel cum lotio redditur.

n) Plurima mortis repentinz exempla apud auctores passim obveniunt : inter omnia memorabile quod dam spud Lind p. 163. In Itinere Illustr. Anfon legitur : haud raro nobis (verba sunt auctoris) evenit, ut nautz, qui adhuc officio suo aliquomodo fungi, & in superiori navis parte (the deck) ambulare potuerunt, subito collapli animam efflarent. Nautarum ex classi nostra permulti hoc mortis genere perierunt.

- o) Lind. p. 163. Rouppe. p. 153.
- p) Memorabilia hujus phænomeni plurs exempla ex Ill. Anfoni Itinere depromi poffant.

q) Ptyalismum Scorbuticorum descripsit egregius hujus morbi Ob-

ditur; haud raro per excretiones alvinas vel cum, vel etiam fine ventris tormine; fed frequentius nibil eft, quam fangvinem per putrida crurum ulcera profluere. Cum vero ad fummum culmen perventum eft,

影)9(器

Cum vero ad furmum culmen perventum eft, fæpe alii graviflimi morbi, ut Icterus, Hydrops, Putridæ febres, Dyfenteria & Melancholia, Scorbuto adfociantur; oboritur tum graviflima Dyspnœa cum refpiratione laboriola; & interdum, quod mirum eft, coftarum inter fpirandum crepitus fingularis non tantum fentitur, verum etiam auditur r); Petechiæ confpiciuntur; Sudor fœtidus copiofe prorumpit: Sangvis atramenti nigritiem contrahit & brevi in ferum corruptum difolvitur; Urina redditur loturæ cærnium fimilis, vel fangvine mixta; crebra animi deliquia vel minimum motum interdicunt; corporis calor ita minuitur, ut aliquot ante mortem dies omnia membra frigida fint; quibus tandem miferiis mors, ultima linea rerum, finem imponit.

dem miferiis mors, ultima linea rerum, finem imponit. Recenfitis fic Scorbuti fignis per tria, quæ habet, tempora, haud alienum spero, maxime memorabilia, quæ in cadaverum dissectionibus occurrunt repetere, ut nihil relinquatur, ex quo morbi genium & effectum cognoscere queant artis tirones. Ab initio igitur notandum, Sangvinem Scorbuticorum ut in ultimo stadio, ita etiam in dissectis mortuis, atramenti instar, esse nigerrimum. Pulmones lividi plerumque & nigro sangvine B oppleti

observator Lind I. c. sed utrum verum symptoma, an ex sumptis antea Mercurialibus veniat, dubius hæret. Salivæ tamen sluxum in Scorbuto sæpe symptomaticum, interdum criticum esse affirmat Ræper in disert. de Salivatione critica in morb. ac. & chron. Vide Hall. coll. Diss. Med. T. 1. Btiam frequens & summe perniciosum symptoma esse affirmat Rouppe 1. c. p. 138 inter eos, qui sumo Tabaci sorbendo vel herbam massicando delectantur.

r) Rouppe p. 142. & cujus causa procul dubio est costarum a cartilaginibus suis spontanea solutio.

oppleti, & refecta eorum portiuncula in aquam projecta fundum petit s). In pectore & abdomine viscera, imprimis Cor, Splen & Jecor in infignem molem aucta, t) quoad colorem & confistentiam mutata, indurata vel putredine confecta; nec non in cavo ventris aqua foctidiflima & ichorofa effusa, invenitur. Apertis cultello genuum articulationibus, foctidi Ichoris quædam copia profilit, cujus color subviridis, rodendi autem vis tanta est, ut, fimul cum continente capsa, cartilagines & offa exedat: & in junioribus subjectis epiphyses ab offis media parte folutas fuisse, haud raro observatum est. Ceterum musculosa caro, quanta quanta est, in putridam adeo labem mutata fuit, ut digitis facillime dissumption possibilit unde corpora mortuorum, ne intolerabili viventes odore infestentur, ocyssime humo obtegi vel maris fundo demergi debent.

) 10 (

### .VI. Q. reaming in the second

Cum in antecedentibus figna Scorbuti vera & diagnostica levi penicillo adumbraverimus, sequitur jam ut vitium hoc, a cœteris deformibus. quibuscum multa habet communia, paucis verbis discernamus, & si qua specialis sit varietas, obiter indicemus. Est vero Scorbutus morbus deformis, decolor, lassi vacillantibus, conspicuus to macace & dentibus in alveolis suis vacillantibus, conspicuus t). Hæc definitio, morbo adorime convenit & unanimi fere Medicorum consensu est recepta, sed in Specierum distinctione magna auctorum semper fuit dissension. Nimirum ex tanta observationum farragine ab Eugaleni tempore

s) Rouppe p. 152, 154.

t) Pringle in appendice ad Traft. Difeafes of the Army: per novem in Scorbuticis inftitutas diffect ones convictus eft, vifcera infigniter increfcere, ubi humoribus putridis corpora laborant.
t) Illuftriff. Przfidis Gen. Morb. N:0 223.

tempore in hunc usque diem acervatim collecta, pluri. ma adoptata sunt symptomata, atque pro diacriticis venditata, eaque, ratione caussarum occasionalium, sape sibi contraria, ut Scorbutum in suas species discernere Medici necessum duxerint. Sic Scorbutum in bæreditavium vel adventitium; latentem vel manifestum, mitem vel malignum; non contagiofum vel contagiofum; acidum vel alcalescentem, calidum vel frigidum; terrestrem vel maritimum; imo Anglicanum vel Belgicum u) non rei natura, sed Medicorum quorundam distinxerunt præjudicia. Fi-Stas ejusmodi distinctiones refutare, inutile foret, cum pleræque jam in desvetudinem abierint, & unicuique in Medicina paulum versato pateat, Species morborum a cauffis evidentibus unice effe constituendas: ne tamen quid neglectum videatur, communissimas auctorum distinctiones breviter examinare lubet. Sic Scorbutum in terrestrem & maritimum latis inepte dispescitur, cum Symptomata diagnostica non solum utrobique apprime conveniant, verum etiam ab iisdem oriantur caussis, iisdemque debellentur remediis. Scorbutum calidum a frigido ita disjunctum nonnulli volunt v), ut illum cum inflammatione, fine phlogofi hunc adefle, statuant. Sed verus Scorbutus semper fere pulsu proditur accelerato, & sic in subjectis junioribus, floridis, laute viventibus, febri quadam stipatur, ut calidus merito dici posit; quin et-B 2 iam

S ) II ( S

u) Ineptas has diffinctiones, Willifio debemus, eorumqve numerum adfeclæ ejus auxerunt; fic Charleton Scorbutum dividit in rancidum, falino fixum & acidum; Blancard in frigidum & calidum; Gideon Harvæus Scorbutum Oris, Tibiarum & juncturarum feorfim tractavit; ut ceteros taceam ineptias, infufficientem hujus mali prodentes cognitionem. Fufiorem harum collectionem exhibet Biblioth. Lindiana.
 v) Eos inter novisfime numerari poteft Home, licet diacritica figua calidi & frigidi non adjunxerit & in prognofi & cura unicam quafi fpeciem tractaverit- vid Principia Medicinæ, Cap, de Scorbuto,

etiam in omnibus stadiis, febres huic malo putridæ ac lentæ adjungi solent; Scorbutus autem frigidus, major est mali Hypochondriaci gradus, ab Eugaleno primum cum genuino Scorbuto haud congrue commixtus; quem dein sectatores ejus ad hunc usque diem cum Scorbuto confundere folent x). Quid autem de Scorbuto alcalescente vel acido sit censendum, non ratiociniis solum, fed experimentis dilucide explicavit Cl. Pringle y) Etenim unicam tantum speciem Scorbuti agnoscit, nempe ab humorum muriatica putredine, qua & ab alcalina & acida indole toto cœlo discrepat; & rejectæ insuper opinionis hanc rationem reddit, quod medicamenta antiscorbutica omnia fere alcalina este putantur, unde Au-Stores Scorbuti caussam forte acidum elle crediderunt, quippe quod ab alcalinis temediis potifiimum fubjugatur & infringitur. Nos igitur morbum hunc potius fecundum certa ejus tempora vel stadia §. 3. discernimus, utpote quæ ratio ad Diagnosin pariter atque curam rite instituendam plurimum valet.

影) 12 ( 影

\$. V.

Ad causas Scorbuci indagandas dum transscendimus, occasionales primum enumerare animus est, ex quibus proxime Scorbuti caussa, tanquam ex fontibus rivulus profluit. Ordine igitur ut progrediamur, Diætam, vel fex res, fic, dictas, non naturales contemplabimur, atque quomodo errores in his committi, corpora ad Scorbuti labem prædisponere poffint, dispiciemus.

1:0 Aër frigidus humani corporis fluida ad muria-ticam disfolutionem & solida ad nimiam rigiditatem disponit 2). Ubi vero simul adjuncta est humidicas, quæ,

Dræ-

- x) Lind hanc fallaciam optime detexit p. 48.
   y) In appendice Tractatus de morbis caftrensibus, ad finem Experimenti 48.
   z) Illustr. Præsidis Clavis Medicinæ pag. 8:

præcipue poros obturando, excretionem cuticularem impedit, ut ex Sanctorianis obfervationibus conftat; mirum non eft, quod non tantum inter Climatum frigidiorum incolas, verum etiam inter nautas in pelago a), & milites in caftris, nec non inter pauperes, qui ex inopia trigent, Scorbutus crudeliter fæviat b). Frigus igitur in genere valida eft Scorbuti cauffa procatartica: led unice tamen, fine ceteris cauffis, postea commemorandis, Scorbutum minime excitat, quod Lapponum inprimis experientia docet c).

2:0 Jngesta particulas corporis, quæ motu diffipantur, continuo relarciunt. Sed ut corpus lanum sit & vegetum, alimentum quoque congruum esse oportet; nam a cibi potusque qualitate, humorum indoles, & ab hac sanitas maxime pendet. In regionibus, ubi vegetabilibus solis, vel carnibus simul recentibus vivitur, Scorbutus admo-

B 3

dum

a) Sequentia ex Rouppio observata addere lubet. Tres assumi posfunt gradus, inquit, qui ad Scorbutum producendum quam maxime inferviunt: 1) Quando incipit frigus & Mercurius in Thermo. metro Farenheit. 20 gr. e loco, quem æftivis tenuit diebus, descendit; quacunque id fiat in regione. 2) Quando Mercurius intra illum incipientis & congelationis gradum ftat, atque aër humidus eft. 3) Quando Mercurius infra gradum congelationis notabiliter delcendit atque ibi hæret. Tribus his gradibus confvevit graffari Scorbutus. h) Rouppe afferit, lemper observatum effe, quod homines a Scorbuto immunes manferunt, quamdiu hæc evacuatio rite atque libere fucceffit, & fimul ac quacunque de cauffa, faluberrima illa evacaatio impedita vel sufflaminata fuit, statim in lucem prodiisfe Scorbuti symptomata. Exempla hujus rei præbent naves, quæ quotannis versus Infulas S. Eustachii & Curacao velificant. Etenim fi quidam inter nautas Scorbuto jam affecti fint, ut in nave, Princeffe Carolina, vidi, nempe antequam navis ex patria fit egrefla, atque ad Tropicum appropinquet, fenfim evanefcit morbus; contra, fi ex Indiis patriam versus tendant nautæ frigusque incurrunt, plane contrarius refultat effectus p. 118. c) Apud hos enim Scorbutus prorfus est ignotus.

dum est infrequens; contra, ubi alimenta quæcunque muriatico falea corruptione fervantur malum hoc haud ra-ro homines adfligere folet. Muria enim, quam partim ciborum condimentum, fæpe etiam ad arcendam e carnibus, pifcibus, ceterisque alimentis, putredinem, adhi-bemus, humorum matlam infigniter penetrat, fangvi-nis tenacitatem diflolvit atque gluten folidis adhærens abstergit; & si justo copiosius vel diutius consumitur, vis ejus abstergens in corrodentem mutatur. Huc acce-dit infignis illa durities, quam alimentis infert muria, & quæ Ventriculi & Inteltinorum vim eludens, ad succum nutritium corrumpendum & humores depravandos haud parum confert. Hinc in longis per mare itineribus, ubi carnibus & piscibus salitis, caseo salito & putrido, nec non butyro rancido præcipue vescuntur nautæ Scorbutus ut plurimum sævitiam suam exercet: nec eum effugiunt pauperes nostrates sub annonæ caritate, vel alii, per totam fere hyemem, carnibus & halecibus fale conditis victitantes. Huc etiam vegetabilium esculento-rum penuria merito refertur, quamvis eorum defectum Scorbutus non lemper & necessario sequatur. Gentes enim haud paucæ e. g. Lappones, Islandi, ceteri, per octo fere menses quotannis, sine vegetabilibus, sani ac sos vitam degunt, dum alii, quibus magna vegetabilium suppetit copia, morbo laborant d). Alimenta vero vegetabilia iis non tantum salutaria, sed sum-me quoque necessaria esse judicamus, qui salsamentis vivere coguntur. Nam Diathesin muriaticam, quæ ab incongrua diata progignitur, plantarum succi optime diluunt

影 ) 14 ( 影

d) Tam defectus Vegetabilium per fat longum tempus innoxii, quam Scorbuti ad copiam vegetabilium izvientis, effectus adtulit Lind p. 91. Sic etiam Scorbutum, qui jam per longas invaluit moras, faltere non potest cibus recens & eupeptus. conf. Anfon Voyage. diluunt, infringunt, & per omnes excretiones, lotii vias præcipue, evacuant e).

器) 15 ( 器

3:0 Motus ad fanitatem confervandam æque necesfarius eft, ac alimenta ad vitam sustentandam. Omnis vero exercitatio humorum circuitum auget, calorem promovet & excretiones omnes, præcipue vero perspi-rationem per cutis poros, sublevat; unde particulæ in sanguine nidulantes, acres, sals, aut in putredinem vergentes, foras ejiciuntur. Ejus ope non tantum ventriculus & organa chylopoietica roborantur, verum etiam tonus partibus solidis conciliatur. Hinc facile patet, quanta sit ejus necessitas omnibus, iis vero inprimis, qui cibo salso, duro & concoctu difficili vitam sustentare coguntur; aut qui vel minimam latentis Scorbuti suspicionem produnt. Quamdiu enim quotidiana contentione, corpora ad sudorem usque exercent, tamdiu etiam a Scorbuto sunt immunes, quemadmodum nautarum, remigum & fabrorum in officinis ferrariis docet experientia f »: Cum vero vel labores fugiunt otiofi, vel etiam negotiis, quibus corpus fortiter movetur, occupari non possunt, ut milites in castris vel navibus g) sartores, textores, Aulici, Eruditi, & nihilomines falfamenta continue

e) Vide Listeri exercitationes Medicinales: de Scorbuto.

f) Sal per sudorem & urinam e corpore eliminari extra omne dubium est. Attentione sane dignum, (ait sæpe laudatus Lind) quod salia quæcunque, in machina humana, quoad naturam commutantur, & in homogeneam seu Ammoniacalem abeunt, excepto sale muriatico, quod omnes tam sluidorum quam solidorum vires eludere videtur. Etenim indolem suam in corpore jugiter servans, sine ulla mutatione per destillationem ex urina obtinetur, si quis aliquam salis portionem comedit. p. \$8.

g) Inter septem Scorbuticos in nave periclitantes, quatuor ad minimum fuisse milites, observavit Rouppe. In classica expeditione Illustr. Auson plurimi milites Scorbuto moriebantur, quippe qui in nave laboribus occupari non poterant. tinue & avide devorant, fieri non potest, quin a retenta in corporibus acrimonia salina, Scorbutus acceleretur.

4:0 Animi pathemata, ut sunt terror, metus & triftitia, Scorbuto occasionem quoque dare Medici observant b). Scorbutici, ut pusillanimi & ad hypochondriasin proni, (§ 3) a levi caussa terrentur, vel in triftitiam incidunt. Quod hi etiam adfectus ad Scorbuti genessin quidquam conferre possunt, iis paradoxon non erit, qui terrore vel tristitia excretiones in humano corpore impediri noverunt.

Cauffam igitur Scorbuti proximam in Acrimonia falina unice confiftere ex dictis conftat. Etenim ex memoratis cauffis, una vel pluribus, particulis falinis, mox ftimulantibus, dein rodentibus, oppletur fangvis & disfolvitur; unde vafcula tandem tenerrima exeduntur, &, ubi longas malum habuerit moras, totius Machinæ, fenfim præparatur interitus.

#### \$. VI.

Cognito morbo, ad ea quæ juvamen adferunt, properamus.

Stadium I:um. Atque adventanti quidem Scorbuto occuritur iis, quæ humores corporis blandos, puros atque dilutos reddunt, ratione fimul habita Diætæ feu caufarum occafionalium. Hinc protinus danda funt lenia alvum ducentia, dein fucci herbarum recentium propinandi, in quibus contra Scorbutum, maximum eft præfidium. Sunt vero hi ex Cochleria, Nafturtio hortenfi, Cardamine pratenfi, ceterisque ex Tetradynamiftarum ordine; Acetofa, Beccabunga & Tropæolo, qui vel per fe, vel lactis fero mixti, lumuntur. Cui firmior

b) Huxbam in appendice ad Effays on fevers. Rouppe l. c. & inprimis Anfon Voyages round the vorld. p. 143. or ftomachus eft, Cochleariam crudam & Eryfimum barbaream (Winterkraffe) comedere, non fine emolumento poteft. Sed fi recentes herbæ haberi non poffunt, ut hibernis menfibus apud nos accidit, confervæ antifcorbuticarum herbarum, quæ in officinis proftant, defectum fupplere poflunt. Quibus, fi aliquantulum Corticis Winterani additur, Stomacho forte magis conveniunt i). Prodeft quoque lac omnis generis, five ebutyratum, five purum, recens, idque vel afininum k), vel caprinum l), vel, fi ea non adfunt, bubulum m). C

影 ) 17 ( 器

i) Cortex Winteranus, qui etiam sub nomine Canellæ albæ in officinis prostat, sapore aromatico præditus, Ventriculi vires insignitur auget & Scorbuto maxime resissit, teste Hermanno in La. pide Lydio, quippe qui nautas, in expeditione navali a Wintero instituta, non tantum a morbo immunes præssitisse, sed etiam inveteratum depulisse malum, traditur.

k) Hippocrates in Ileo magno, lac asininum coctum cum melle, præscriptit. De intern. Affect. p. 546. edit. Fæsii.

1) Lac caprinum commendat Lind. p. 245.

m) Egregium Lactis ufum in Scorbuto confirmat Hautefierks in Observations de Medecine des bospitaux militaires; cujus verba, latine reddita, odferre haud piget : De præsentia acrimoniæ fingularis in Sangvine Scorbuticorum convicti, concludimus illem cum Diatheli muriatica effe intime nuptam, ideoque Scorbuti caufam proximom efficere. Hac theoria ducti, curam per mundificantia; demulcentia & incraffantia inflituere conati fumus, & ex voto res fucceffit. Nam ubi decantata antifcorbutica spem fiustraverunt, mane agroto dedimus lactis vaccini uncias lex, & prandii loco, portionem Oryzæ in lacte cochæ, idemque ad cœnam. Pro potu ordinario præscripfinnus Fumariæ tenuem infusionem, & ad os colluendum Spiritus cochleariæ drachmam, cum decocti Nasturtii Unciis tribus, mixtam, porreximus. T. I. p. 324. Vide etiam Hoff. manni Med. rat. Syft. T. IV. p. 29. Quin etiam, cum in Lapponia Scorbutus graviter adfligeret Monticolarum plurimos, qui initio hujus Seculi e Germania, ad res metallicas ibidem tractandas, vocati erant, & fe a Lapponibus magica arte vexatos putabant, omnes, quotquot hoc morbi adfecti fuere, fanavit vetula in pago Heden, idque solo lactis usu piotracto. and all the state of a

Sangvinem optime mundificat Serum lastis, fucco citri vel Cremore tartari paratum, præprimis, fi per longum tempus, ulum præbet quotidianum. Juvant etiam in hoc stadio lenia sudorifera, quibus cutis spiracula servantur aperta. Optima vero funt, quæ ex Sambuco ejusque flo-ribus aqua præparantur infusa. Pauperibus & quibus jam laudata remedia nimis pretiosa funt, sufficiant Infula Rad. Armoraciæ, Raphani sativi, Herbæ Trifolii aquatici & Fumariæ, per aquam vel tenuem cerevifi-am confecta: vel Decocta ex Radicibus Britannicæ & turionibus Pini. Iis quoque Allia atque Cepæ frequentius sumtæ, & trito cum aceto Sinapi condita profunt alimenta. Non defunt quoque exempla optimi fucces-fus ex Decocto antifcorbutico, quod auctorem Bellovi-um in castris Poloniæ p. m. Regis Caroli XII, medi-cum famigeratissimum agnoscere putatur, qui ejus ope, Scorbutum ab exercitu Svecano prrofligavit. Paratur vero hoc ex herbæ Sedi acris recentis uncia, quæ in libram cerevisiæ infunditur, & cujus unciæ tres simul propinantur u). Dulcamaram quoque infigni laude contra Scorbutum extollit Cl. Sauvages o). Sed Diætam ægroti ordinare maximi est momenti. Vivat hic in äe-re calore temperato, vel si ejus oportunitas non est, vestimentis tamen bene sit munitus. Desidiosam vitam effugiat, ac salsamenta imprimis, & quævis concoctu difficilia, vitans, recentibus, quantum fieri potest, Vegetabilibus velcatur.

影 .) 18 ( 器

Sta-

u) Dum Captivos e Molcovia Svecos in patriam reduces Scorbutus peffimus infeftaret, vetulam aliam, Carolicoronx, infectos omnes fanasse refertur, ope Tonnæ unius Turionum pini, sedi acris tonnæ octavæ partis, nec non Aluminis unciarum duar, cum femisse. Mixta hæc coquebantur in aqua & ægro unicuique libration quotidie bibenda porrigebatur.

0) A.t. Parif. A. 1761. p. 53.

Stadium II:um. Sed aliam Scorbutus jam inveteratus curam postulat, qui lenta remedia & segnes Medicos prorfus repudiat. Huic igitur cum leniora vix fuffici-ant, ad validiora, quæ putredini refiftunt, fimulque corporis colatoria aperiunt, refugiendum est. Eminent inter hæc, quæ lotii fluxum promovent, ut Allia, Ce-pæ, Porri, & inprimis Scillæ Radix: illa variis cibi generibus apte miscenda sunt: hæc vero Medicamenti instar, caute & ad granorum aliquot pondus quotidie est porrigenda. Putredini vero maxime refistunt, atque alimentorum pravitatem emendant acida fere omnia, e vegetabilbus præcipue expressa, ut Succus Citrorum, Malorum Aurantiorum, Limonum, qui, cum ad protractum usum recentes & a situ liberi servari nequeant, coctione ad Syrupi confistentiam inspissari possunt & in lagenis probe obturatis excipi, ut docet Lind p). His vero in vehiculo aquoso dilutis, pro potu ordinario ægrotis por-rigere necessum est. Si vero hæc non adsunt, nec comparari poflunt, acida mineralia, ut Spiritus Salis vel Vitrioli & ex his parata Elexiria Vitrioli varia, acida, defectum suppleant. Sed ante omnia diæta ægroti erit corrigenda. Protcribenda sunt omnia salsa, corrupta, pingvia, dyspepta, hisque substituenda vegetabilia, ra-dices & herbæ recentes, fructus horæi, ut sunt Mala, Pyra, Pruna, Cerafa, cetera, præsertim recentia, vel si hæc haberi nequeunt, siccata. Sic in victus ratione potius quam in medicamentorum farragine, tutisimum quæritur præsidium. Interdum etiam Corticis Peruviani ulus commendatur, inprimis ubi Ulcera cruda puris benigni beneficium non admittunt. Cetera, quæ ad eo-C 2 rum

影)19( 畿

p) p. 207. Huic usui magis infervit succus citri vel acetum frigo-re concentratum, cujus præparandi modum docet Pharmacopæa nostra Svecica p. 55.

rum curam pertinent, huc adferre supervacaneum ducimus, cum otium nobis factum sit in Dissertatione de Ulceribus A:0 1769 a nobis heic edita ac defensa \*). Scorbutum vero purgantia fortiora ægre admittit, sed, ubi opus est, lenia semper postulat. Venæsectioni quoque heic raro locus est, ut Eugalenus, Grainger & Lind, multa edocti experientia, contirmant.

影 ) 20 ( 器

Siadium Ill:um Sed longe difficilior cura eft, ubi Scorbutus, ad fummum culmen provectus, morbis aliis graviotibus sele adjunxit; quod enim congrua Diæta non suppeditat, id a Medicina frustra exspectatur. Symptomata tamen mitigant remedia jam exponenda. Si sangvis e naribus, ore vel quademumcunque parte profluens, interitum ægro exhausto minatur, acida mineralia diluta, guttatim & sæpe dari debent, hisque re-Ete adjungitur Cortex peruvianus, vel forma pulveris, vel ex vino rubro decoctus. Si vero Dysenteria, gravissimum illud Scorbuti symptoma, urget, caute mercandum, ne vel falutaris forte evacuatio nimis cito fiftatur, vel protracto morbo æger succumbat. Protinus igitur Rhabarbaro humores irritantes recte evacuantur, dein lenia adstringentia, opio mixta, dolores mitigant & intestina roborant. In graviori casu paululum Aluminis haud incongrue datur, sed parca manu, & electuariis adstringentibus, ut Theriacæ vel Electuario Fracastorii additum. Ipecacuanha Spiritu Vini infusa usu fe comprabavit egregio in Nosocomio navali ad Port-Mahon q); neque hoc in dubium vocabit, qui & Ipecacuanhæ vires in Dyfenteria & Spiritus Vini eximiam in acaris necandis virtutem perspexit. Ubi vero dirus Hy. drops Scorbutum excipit, evacuantia quævis, præcipue vero Diuretica, tentari debent. Scilla vel allio tum Qpus,

q) Expertus est Chirurgus Christie & Lindio aperuit p. 258, \*) Sub Praesidio Exp. D. D. & Adj. Acrell. pus est, adhibitis interea remediis e regno vegetabili, inprimis quæ a Radice armoraciæ, Raphano vel Sedo contra Scorbutum laudantur. Sed hæc omnia in summo Scorbuti gradu parum proficiunt, siquidem caussa, quæ morbum exitarunt, ægre admodum removentur: quapropter omne feret punctum, qui Diætam sanitati contrariam tempestive mutare potuerit.

# §. ViI.

Restat jam, ut paucis disseramus de modo, quo Scorbutus in castris, navibus & ceteris locis, ubi fre-quens & simul sævus esse solet, averti queat. Quemad-modum vero, ut antea diximus, causse mali præcipue vitiis Diæteticis coustant, ita Diætæ ratio in Prophylaxi maxime habenda est. Moderata aeris temperies ante omnia eligi debet, & qui in frigore vel humido aëre diu vivere coguntur, vestimentis a gelu & pluviis corpora muniant. Vegetabilia, quæ per aliquot tempus succum incorruptum servant, ut Poma, Mala Citri & Au-rantiorum, nec non cepæ, allia, porri, cetera, vel condimenti instar, vel loco medicamenti, dari posfunt, Inter alimenta quotidiana adhibendæ funt herbæ oleraceæ ut Portulaca, Lactuca, Spinacia, Endivia, Rumex pa-tientia, cetera, quæ omnia, fale condita, optime in diuturnum usum servantur. Cucumeres quoque sativi & imprimis Brassica capitata, sale condita (Surkal\*) inter omnia egregio suo usu eminent, quibus ob explo-ratam contra Scorbutum virturem, in navitus, Indias petentibus, nunc communissime victitare moris est. Nec minor prudentia in potu quam in cibis requiritur; C 3

\*) Brassicam in navigatorum usum Sale condire & servare optimedocuit Du Hamel du Monceau in Libello: Moyens de conferverla fanté aux Equipages des Vaisseaux p. 177 & sequ.

nam aqua corrupta & putrida, quam sub longo itinere bibere nautæ coguntur, si scorbutum non facit, malum tamen insigniter exasperat. Sanitati potius conveniunt Vina dulcia, pro potu continuo, aqua diluta; Sucei pomorum fermentati; (Cider) Cerevifia, five mera, five herbis antifcorbuticis & inprimis Turionibus Pini con-dita (Tallstrunt-ol). Sed præstantius in hunc usque diem nihil inventum est potu illo, ex Malto, aqua co-cta superaffusa, parato, cujus inventionis gloriam jure fibi vindicat Cl. Macbride, Chirurgus apud Anglos ex-perientissimus r). Sequenti vero modo id parandum curavit. Sex libris aquæ ebullientis duæ libræ Malti infunduntur, mixta bene agitantur, per aliquot horas tecta reponuntur ac demum colantur. Hujus infusi malti duæ libræ non tantum Scorbuto laborantibus, verum etiam sanis quotidie dare jubet; sed a parva dosi ad majorem adscendere oporter. Alvum movet &, prop-ter blandam vim, hoc remedium ceteris omnibus, etiam vegetabilibus recentibus, auctor anteponit. Ut vero excellentissimum hoc & generi humano utilissimum subsidium experientia quoque confirmemus, par-ticulam Litterarum Clar: Forster, quas nobiscum com-municare Illustr. D. Prases dignatus est, heic adferre lubet s) Tantum autem valuit hoc potionis genus in Itinere, quod ad Terras australes incognitas instituit Cl. Forster, ut, per triennium, nautarum nullus Scorbuto peri-

梁 ) 22 ( 彩

r) In libro: Experimental Essays ... on the Scurvy, with a propofal for trying new methods to prevent or cure the fame at Sea. Lond. 1764. Scorbutum a defectu aëris fixi in corpore humano oriri autumat noster, ideoque non tantum Infusum Malti, quod in corpore effervescentiam subit & aërem fixum generat, sed etiam Salia Alcalina fixa cum acidis maxime commendat. s.) Dat. d. 4. Cal. Aug. 1775: Cum nonnunquam ultra viginti

s.) Dat. d. 4. Cal. Aug. 1775: Cum nonnunquam ultra viginti hebdomadas in mari procul terra vagaremus, nec quidquam aliud periret, sed, quod mirum est, duo tantummodo nautæ, unus infelici casu & alius Phtisi, morirentur.

Ceterum, qui Scorbuto opportuni sunt ad serios corporis motus sunt compellendi; iis vero qui morbo jam laborant, exercitatio caute instituenda est, ne illico suffocentur, cujus rei tristem experientiam adferunt Lind & Rouppe. Motu quoque memborum, præcipue ambulando, contractura genuum præcavenda. Aër in continenti salubris mirum in modum corpora reficit, & non tantum Scorbutum pellit t), verum etiam homines a morbo immunes præstat, id quod navigatorum exemplis quotidie confirmatur.

nisi carnes salsas comederemus, neque nautæ tempore pluvio & ventofo per complures dies vestes inutare madentes possent, tamen vix unns & alter Scorbuto laboravit; quod unice adscribendum quod neusis una cum carne, Brafficæ oleraceæ capitatæ fermentatæ portio distribueretur pro cibo, deinde si quis symptomata Scorbutica & ingruentis figna morbi haberet, illico ei quotidie infusum Malti, unde Cerevisia fieri solet, recens propinabatur; & si jam morbus obstinatus quemquam invaserit, usque ad 4 vel 5 libras per dies ei porrigebamus &, mirum dictu, vidi homines misere affectos Scorbuto, brevi spatio convalescere, quum nullum alium præter infusum Malti illis daretur remedium. Iam vero mea quidem fententia & experientia teste, Braffica fermentata per triennium & plus quam novem menses optime conservata fuit, & hodie cum hac scribo, hujus fermentatæ aliquid pro prandio comedi cum aliis cibis, idque erat optimi & grati faporis, adeo incorruptum, quemadinodum id fuit cum in navem primum imponeretur. Maltum per triennium optime in doliis fervavimus, at tertio anno pars aliqua mucore corrupts erat. Brafficæ fermentatæ 60 dolia in navem fuere imposita & Malti tantum undecim, verum maxime capacia. r) Dum ad Infulam Tinian (inqvit) nautæ noftri pervenerunt, aëris ter-

restris salubritatem illico experti sunt: nam cum in Pelago intra biduum 21 homines moriebantur, nunc quamdiu in Terra degimus, 10 tantum morbo occubuerunt. Anson Voyage 1. c.

### Corrigenda & addenda.

Pag. S. l. 12, leg. & muiculis flexoribus clausis, tali versus &c:. Pag. 9. l. 4. adde. III:um Stadium.

